



LE GOUVERNEMENT
DU GRAND-DUCHÉ DE LUXEMBOURG
Ministère de l'Économie

Luxembourg, le 31 mai 2021

Le Ministre de l'Économie
à
Monsieur le Ministre aux
Relations avec le Parlement

L-2450 LUXEMBOURG

Réf. : QP4191-02/SW-rg

Objet: Question parlementaire n°4191 du 28 avril 2021 de Monsieur le Député Roy Reding

J'ai l'honneur de vous transmettre ci-joint la réponse commune à la question parlementaire reprise sous rubrique.

Pour le Ministre de l'Économie



Luc Decker
Conseiller

Dossier suivi par : Stéphanie Wagemans, tél : 247-88425 ; email : stephanie.wagemans@eco.etat.lu

Réponse de Monsieur le Ministre de l'Économie, Franz Fayot, et de Monsieur le Ministre de la Sécurité sociale, Romain Schneider, à la question parlementaire n°4191 du 28 avril 2021 de Monsieur le Député Roy Reding au sujet des aides financières pour les entreprises dans le cadre de la pandémie de la Covid-19

Am Virfeld ass ze präziséieren dass d'Firma am Artikel deen den honorabelen Deputéierten nennt, hier Clienten net an direktem Zesammenhang mat Restriktiounen am Lëtzebuerger Horeca-Beräich verluer huet: dës Firma ass keen direkten Zouliwwerer vum Lëtzebuerger Horeca-Secteur, mee vermaart hier Produite villméi op internationale Foiren, zum Beispill zu Paräis an zu Frankfurt, sou wéi dat och am Artikel erkläert gëtt. Dës weideren ass et esou dass dës Firma zwar net konnt op Aiden zeréck gräifen déi spezifesch fir den Horeca-Secteur ausgeluecht sinn, mee awer zum Beispill konnt op den chômage partiel zeréck gräifen, esou wéi daat och aus dem Artikel erausgeet.

D'Regierung huet d'Bäihëllef fir Betriber am Kader vun der Covid-19 Pandemie breet opgestallt, verschidde vun de Bäihëllef riichten sech un Betriber queesch aus allen Secteuren déi vun der Pandemie impaktéiert goufen, anerer si spezifesch fir déi Betriber an Secteuren ausgeriicht déi am stäerkste getraff goufen. An den aktuellen Ëmstänn ass net virgesinn dës Bäihëllef weider auszewäiten.

Am Kader vun der sozialer Sécherheet goufe Folgend Measure geholl fir den Entrepreneuren ze hëllefen:

- D'Sozial Contributiounen: Och wann d'Sozialbeiträg fälleg bleiwen a pro Mount fakturéiert ginn, gëtt vum Centre commun de la sécurité sociale (CCSS) keen Zënssaz am Fall vun enger Verspéidung beim Bezuele vun de Cotisatiounen applizéiert. Dës legal Derogatioun zu den Dispositiounen vum Code vun der sozialer Sécherheet lafen nach bis den 30. Juni 2021. Et ass allerdéngs virgesi fir déi bis den 31. Dezember 2021 ze verlängeren. Doriwwer eraus gëtt de reduzéierten Taux vum Zënssaz (aktuell op 0 % festgesat) applizéiert wann d'Bezuelungsfristen, vun deenen e puer Patronen an eegestänneg Aarbechter profitéieren, respektéiert ginn, dat heescht wann déi fälleg Cotisatiounen an de monatlechen Acompte op d'Schold mat Zäite bezuelen ginn.
- Forcéierte Recouvrement: De forcéierte Recouvrement vun de soziale Cotisatiounen fir Patrone vum Horecasecteur goufe bis Enn Mäerz 2021 suspendéiert. Déi selbstänneg Aarbechter aus dem selwechte Secteur konnten dës Suspensioun och ufroen. Aktuell gëtt d'Situatioun evaluéiert a gekuckt op et néideg ass fir dës Measure, en Vue vun der Reouverture, nach mussen ze verlängeren. De CCSS wäert awer nei Propositionen fir d'Scholdpläng un déi Patrone verschécken. Doriwwer eraus hunn déi betraffe selbstänneg Aarbechter d'Méiglechkeet hier „assiette cotisable“ ze adaptéieren fir d'Cotisatiounen kënnen ze reduzéieren. Bei besonnesch schwéier Situatiounen, kann de CCSS och en individualiséierte Scholdpläng proposéieren mat méi laang Delaie fir d'Scholden zeréckzebezuelen.

- Remboursement vun der Mutualité des employeurs (MDE): Patronen an eegestänneg Aarbechter kënnen vun engem Remboursement vun 100% profitéieren amplaz vun 80% fir Leit déi a Quarantän oder an Isolatioun waren. Dës Moosnam gëtt retroaktiv op den 1. Juli 2020 ugewannt an ouni Auswierkungen op de finanziellen Absenteismus beim Klassifizéiere bei der MDE.

Fir den Detail vun den Aiden déi vun Säiten vum Wirtschaftsministère fir Betriber disponibel waren oder sinn an ausbezuelt goufen, sou wéi fir Statistiken zum chômage partiel gëtt verwisen op de Bilan vun de Covid-19 Bähëllefem op den 30 Mee 2021 deen um Internetsite vum Wirtschaftsministère publizéiert ass : <https://meco.gouvernement.lu/dam-assets/dossiers/MinEco-Dashboard-Covid19.pdf>